



*Agency for Development of Higher Education and Quality Assurance*

Broj: 05-33-1-583-7 /14  
Datum: 18.03.2015. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09), imajući u vidu svrhu preporuke o akreditaciji da se osigura koherentnost i dosljednost tumačenja standarda i kriterija s obzirom da evaluacije provode različite grupe stručnjaka, u postupku akreditacije visokoškolske ustanove Univerzitet u Tuzli, na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, nadležnoj obrazovnoj vlasti, Ministarstvu za obrazovanje, nauku, kulturu i sport Tuzlanskog kantona, Agencija za razvoj visokog obrazovanja i osiguranje kvaliteta (u daljem tekstu: Agencija) daje

### **PREPORUKU**

da postupi u skladu sa mišljenjem Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji da akreditira visokoškolsku ustanovu Univerzitet u Tuzli.

### **O b r a z l o ž e n j e**

Dana 25.07.2014. godine Agencija za razvoj visokog obrazovanja i osiguranje kvaliteta (u daljem tekstu Agencija) zaprimila je od Ministarstva za obrazovanje, nauku, kulturu i sport Tuzlanskog kantona prijedlog za imenovanje komisije stručnjaka koji daju ocjenu i obavljaju reviziju kvaliteta i daju preporuku o akreditaciji visokoškolske ustanove Univerzitet u Tuzli (u daljem tekstu: Komisija). Nakon što je utvrđeno da se predloženi članovi Komisije nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije predložen u skladu sa Odlukom o normama kojima se utvrđuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11), Agencija je, u skladu sa članom 49. alineja 4) Okvirnog zakona o visokom obrazovanju u Bosni i Hercegovini, donijela Rješenje o imenovanju komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolskih ustanova broj: 05-33-01-583-5/14 od 09.09.2014. godine.

Dana, 25.02.2015. godine Agencija je zaprimila Izvještaj Komisije o eksternoj evaluaciji Univerziteta u Tuzli čiji je prilog obrazloženje ocjena Komisije u kojima je

data analiza, ocjena i revizija kvaliteta ove ustanove, te dato mišljenje Komisije da se akreditira Univerzitet u Tuzli, jer je stepen ispunjenosti svih kriterija za akreditaciju ocijenjen na osnovu obezbijedenih dokaza kao potpuno ili znatno ispunjen.

U skladu s Odlukom o normama kojima se utvrđuju minimalni standardi u području visokog obrazovanja u Bosni i Hercegovini, Komisija je ocijenila ispunjenost devet kriterija za akreditaciju ocjenama kako slijedi:

- a) Razvoj i strategija visokoškolske ustanove: znatno ispunjen
- b) Upravljanje, unutrašnje osiguranje kvaliteta i kultura kvaliteta: znatno ispunjen
- c) Procedure za osiguranje kvaliteta studijskih programa: potpuno ispunjen
- d) Procedure za ocjenjivanje studenata: znatno ispunjen
- e) Ljudski resursi: znatno ispunjen
- f) Kvalitet fizičkih resursa: znatno ispunjen
- g) Informacioni sistemi: znatno ispunjen
- h) Prezentacija informacija za javnost: potpuno ispunjen
- i) Međunarodna saradnja: znatno ispunjen

Uvidom u Izvještaj Komisije utvrđeno je da je Izvještaj napisan jasno i razumljivo, na jednom od službenih jezika u Bosni i Hercegovini i na engleskom jeziku, da u strukturi sadrži minimalan sadržaj propisan Odlukom o normama kojima se utvrđuju minimalni standardi u području visokog obrazovanja u Bosni i Hercegovini, te da su svi kriteriji za akreditaciju ocijenjeni kao potpuno ili znatno ispunjeni, na osnovu obrazloženih dokaza, što daje osnovu za davanje mišljenja Komisije da se visokoškolska ustanova akreditira. Na osnovu svega navedenog, a temeljem mišljenja Komisije stručnjaka, data je preporuka nadležnoj obrazovnoj vlasti, Ministarstvu za obrazovanje, nauku, kulturu i sport Tuzlanskog kantona, da postupi u skladu sa mišljenjem Komisije da se akreditira visokoškolska ustanova Univerzitet u Tuzli, donošenjem rješenja o akreditaciji, koje će se dostaviti Agenciji radi postupka ocjene usklađenosti rješenja o akreditaciji s normama i kriterijima iz člana 48. alineja 1) Okvirnog zakona o visokom obrazovanju u Bosni i Hercegovini.

**Dostaviti:**

1. Ministarstvu za obrazovanje, nauku, kulturu i sport Tuzlanskog kantona
2. Univerzitetu u Tuzli
3. Sektoru 05
4. arhivi

